



19. august 2021

UKA2021/97

Inatsisartut suleriaasianni § 33 naapertorlugu matumuuna aalajangiiffigisassatut siunnersuummik imaattumik saqqummiussaqaassaanga:

Naalackersuisut Nunatta kangiani qilalukkanik qernertanik piniartut ilisimasaannik atuilluni kisitseqqissaaqqullugit peqquneqarnissaannik inatsisartut aalajangiiffigisassaattut siunnersuut. Kisitseqqissaarneq siunissami nunatta kangianut pisassiisarnermut tunngaviliissaaq.
(Inatsisartunut ilaasortaq Lars Poulsen, Siumut)

Tunngavilersuut:

Ukiorpasuanngortuni nunatta kangiani qilalugartassanik amigaateqartoqartarnera takornartaanngilaq.

Nunatta kangiani, nunarsuatta inuuffigiuminaannerpaartaasa ilaanni, kimituumik nerisaqarsinnaanissarput pingaartupilussuovoq. Ukiorluttaqaaq, nioqqutissanillu kitaamiorpalluttunik nunguutslersarpugut.

Qilalukkarnik qernertanik killilersuinerup pilernerani nunatta kangiani qilalukkat pisarinqartartut ikikeriarujussuarnikuupput. Ikileriarujussuarneratalu kingorna qilalukkat qernertanik aqajaqqumut immiiniarneq ajornarsisimaqaaq.

Nunatta kangiani qilalugartassat ukiuni kingullerni amerliniarneqartaraluaqaaq, aporfilli ataasiinaajuaannarpoq. Qilalugartassat amerlineqassappara ilisimatuussutsikkut ilisimasat annikippallaarujussuarnerat patsisiliullugu qilalugartassat nungutinniarneqartarlutik. Kisitsisoqalernerani sumiiffimmi ilisimasallit, piniartut ulluinnarni qilalukkanik najugaqartut peqatigalugit ingerlanneqarnissaat kissaatiginaqaaq.

Piniartut atuisut oqaatigaat qilalugaqarfiit arlallit qernertanik 100-likkaanik piffiit ilaanni qilalugaqartoq, tamanna uumassuserituunut (biolog) uppersarniarlugu kisitsinissaq avaqqunneqarsinnaajunnaarpoq.

Aqutsiveqarfiit marluusut "Tasiilaq, Kangerlussuaq" isorartussutsikkut 700 km tungaanut isorartususeqarpoq, taamaattumik tutsuiginartumik kisitsisoqassappat peqassuserlu qulakkeerneqassappat atuisut piniartut qanimut peqataatinneqartariaqarput.

Ukiuni qaninnerpaani nunatta kangiani qilalukkat qernertat sorsussutigineqartarnerat aaqqiivigisariaqarpagut.

Neriutigaara inatsisartut ataatsimoorullugu iliuseqarnissaq ilalissagipput. Oqallillarisi.



Siunnersuutip aningaasatigut allaffissornikkullu pisortanut kinguneqaatissai

Qilalukkanik qernertanik ilisimatuussutsikkut tunngaveqartumik kisitsinerit timmisartumik atuilluni 1,5-1,7 mio. koruunit missaannik akeqassapput. Taama naliliineq Naalakkersuisut §37 apeqqummut nr. 105/2021 kingullermik kisitsinermut missingersuutinit tunngasunik, akissummit tunngaveqarpoq.

Siunnersuutip namminersorlutik inuussutissarsiortunut allaffissornikkut aningaasatigullu kinguneqaatissai

Soqanngilaq

Siunnersuutip innuttaasunut allaffissornikkut aningaasatigullu kinguneqaatissai

Soqanngilaq